



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian, iha loron 19 fulan-janeiru tinan 2022

Konsellu Ministrus hala'ó sorumutuk iha Palásiu Governu, iha Dili, no aprova projetu Rezolusaun Governu nian, ne'ebé apresenta husi Vise-Primeira-Ministra no Ministra Solidariedade Sosiál no Inkluziun, Armanda Berta dos Santos, ne'ebé **renova mandatu membru sira Konsellu Administrasaun husi Institutu Nasionál Seguransa Sosiál (INSS)**, ba tinan tolu tan. Nune'e, Longuinhos Armando S. I. Leto, mantein hanesan Prezidente Konsellu Administrasaun INSS nian. Azevedo Marçal no Cornélio Barros kontinua iha kargu vogál Konsellu Administrasaun nian. Alberto Carvalho de Araújo no Ramalho da Costa mantein hanesan representante empregadór no traballadór.

Konsellu Ministrus aprova mós projetu Dekretu Governu rua, apresenta husi Vise-Primeira-Ministra, ne'ebé aprova **remunerasaun ba prezidente no fiskál úniku sira Institutu ba Defeza Direitu Labarik, I. P. no Institutu Nasionál ba Kombate HIV-SIDA, I. P.**, no valór seña ne'ebé iha hodi selu ba ninia membru sira Konsellu Konsultivu nian. Atu determina montante konkretu kona-ba remunerasaun ne'e, Governu konsidera ona valór praktikadu sira relaciona ho Institutu Públiku sira. **REMATA**



Palácio do Governo,
Avenida Presidente Nicolau Lobato,
Dili, Timor-Leste